

INUIT ATAQATIGIIT

INATSISARTUNI



Nuuk, den 10. juni 2013

Inatsisartut suleriaasianni § 37 naapertorlugu Naalackersuisunut imaattumik apeqqu-teqarpunga.

Apeqqutit:

1. Naalackersuisut uppersarsinnaavaat, Issittumi Siunnersuisoqatigiinni suleqatigiissitaq Arctic Monitoring and Assessment Programme (AMAP) ukioq manna Nuummi ataatsimiittussaasimagaluaq, Kalaallit Nunattali Issittumi Siunnersuisoqatigiinnut peqataajumajunnaarnera pissutigalugu ataatsimiinnissaq maanna Savalimmiuni pisussanngormat?
2. Issittumi Siunnersuisoqatigiit iluanni tunngasuni ukiumi aggersumi ataatsimiittarnissat, tassalu ataatsimiinnerit politikimut tunngasut, suleqatigiilluni ingerlatanut tunngasuni, immikkut ilisimasallit akornanni aammalu immikkut sulialerlugit suleqatigiissitani, task forces-ini, ataatsimiinnissat suut ingerlanniarneqarpat?
3. Qanoq iliornikkut ataatsimiittarnerni taakkunani Kalaallit Nunatta sunniuteqataaanissaa Naalackersuisut qulakkeersinnaavaat, ataatsimiittarnerni taakkunani Kalaallit Nunaat toqqaannartumik peqataanngippat?
4. Issittumi Siunnersuisoqatigiinni suliaqarnerup iluani Naalagaaffeqatigiit akornanni piareersarluni ataatsimiinnissaannut Kalaallit Nunaput peqataasassava, imaluunniit peqataajumajunnaarnerup Naalagaaffeqatigiit suliniarneranni ataqatigiissaarnerit aamma eqqorneqarpat?

(Inatsisartunut ilaasortaq Sara Olsvig, Inuit Ataqatigiit)

Tunngavilersuut:

Naalackersuisut Siulittaasuat isummerpoq, Kalaallit Nunaata Issittumi Siunnersuisoqatigiinni suleqataanera tamakkiisumik unitsikkallarneqassasoq. § 37 naapertorlugu apeqqutinnut akissummi (nr. 064) uppersarneqarpoq, peqataajumajunnaarnerup kingunerisaanik suliniarnerit tamarmik Issittumi Siunnersuisoqatigiit iluanni suleqatigiissitani, task forces-ini, suleqatigiissitat akimorlugit immikkut suliat assigiinngitsut assigiinngitsunilu immikkuit ilisimaqarfiit aammalu politikikkut ataatsimiittarnerit tamarmik, eqqorneqartut. Tamanna taamaattumik isumaqarpoq, Kalaallit Nunaat nammineq piomassutsiminik ataatsimiittarnissani taakkunani toqqaannartumik sunniuteqataaanissaminut imminut periarfissaarutitittoq. Taamaattumik Inatsisartunut pingaaruteqarlunnarpoq, ataatsimiittarnerit suut qassillu ingerlanniarneqarnerisut, aammalu ataatsimiinnerni taakkunani Kalaallit Nunaat sutigut qanorlu peqataaffigissassaraluinik, tamakkiisumik takussutissaqarnissaq.